



Usuku Iwentsha

Zandile Malaza
Simangaliso Sibiya



Lapha eNingizimu Afrika, usuku
Iwangomhla ziyi-16 kuNhlangulana
luyiholide elaziwa ngokuthi Usuku
Lwentsha.

Le ndaba ixoxa ngomlando waleli holide
nokuthi kwenzekani ngalolu suku
ngonyaka ka-1976.



"Niyazi yini ukuthi kwenzekani ngoSuku
IweNtsha ngonyaka ka-1976?" kubuza ugogo
kubazukulu bakhe, uBuhle noVusi.

"Kwaqoshwa umlando mhla ziyishumi
nesithupha ngenyanga kaNhlanguana
ngonyaka ka-1976 eSoweto!" kusho ugogo.



"Kwakusekuseni. Kwakungunyaka wami
wokugcina ngisesikoleni.

Lolo suku lwashintsha umlando," kuqhubeka
ugogo.



"Sasingabafundi bezikole ezahlukene eSoweto.

Sasihlele imashi esuka ezikoleni zethu iya
enkundleni yebhola i-Orlando Stadium. Sasihlele
imashi enokuthula."



"Kwakuyini isizathu sale mashi?" kubuza uBuhle.

Ugogo uyachaza, "Umbuso wobandlululo
wawusiphoqa ukuthi sifunde ngolimi
lwesiBhunu. Sasingahambisani nalowo mthetho.
Sasithukuthele kakhulu!"



"Sathatha isinqumo sokukhulula abafundi
abansundu baseNingizimu Afrika.


Sasifuna imfundo engcono.

Sasifuna imfundo efanayo kuwo wonke umuntu
eNingizimu Afrika."



"Kwase kwenzekani?" kubuza uVusi.

"Sasimasha siya enkundleni yebhola
yaseOrlando lapho sasinomhlangano khona.
Izinkulungwane zabafundi zazihlanganyele.
Sasijabulile kakhulu!" kuphendula ugogo.



"Sathi sisamasha, sahlaselwa amaphoyisa!"

Basifutha ngesisi esikhala isinyembezi.
Basisasazela nangezinja zabo!

Sazama ukwehlisa imimoya saqhubeka
sahamba."



"Kwavele kwaqhuma inhlamvu!"


Kukhona isithombe salokho kuhlasela esethusa umhlaba wonke!

Leso isithombe sikaHector Peterson ethwelwe ngumngani wakhe," kusho ugogo edabukile.



"Kwagcina kanjani?" kubuza uBuhle noVusi bekhulumela phansi. "Lo mbhikisho wezikole zaseSoweto wabhebhetheka izwe lonke. Kwahlanganyela nabanye abafundi abaningi nabasebenzi.

Abantu abaningi emhlabeni jikelele babewuxhasa. Wawubaluleke kakhulu ekulweni nombuso wobandlululo."



"Lolo suku Iwabizwa ngokuthi 'Usuku IwaseSoweto'. Lwenziwa iholide ngonyaka ka-1995."

"Ngeminyaka yawo-1990, kwakukhona imibukiso yezobuciko ephambili eyayiphathelene nale mibhikisho yentsha," wakhumbula ugogo.



Njalo ngonyaka ngalolu suku lwentsha,
iNingizimu Afrika iyaye ihloniphe intsha
eyabulawa ngalo mbhikisho wonyaka ka-1976."

"Sikhumbula intsha eyasiza ukuqedu
ubandlululo," kusho ugogo ngokuziqhenya.



“Ngosuku Iwentsha kubakhona imicimbi,
imihlangano, nemigidi ezweni lonke.”

“Akumelanga siwukhohlwe umlando we wezwe
lethu,” waqedelela ugogo.

Wase uyamoyizela egona uBuhle noVusi.

—Imibuzo

1. Ngubani oxoxa le ndaba futhi ngobani abalalele? Ukwazi kanjani lokho?
2. Zazimasha ziyaphi izingane zaseSoweto mhla ziyishumi nesithupha kuNhlanguana ngo1976?
3. Kwakuyini isizathu sale mashi?
4. Lwaqala nini lolu suku lomhla ziyishumi nesithupha kuNhlanguana ukuba yiholide futhi kungani?

—Izincwadi ezikulolu chungechunge

- Usuku Iwenkululeko
- Usuku Iwamagugu
- Usuku Iwamalungelo abantu
- Usuku lokubuyisana
- Usuku Iwabesifazane
- Usuku Iwabasebenzi
- Usuku Iwentsha

Lendaba yenziwe yaphinde yabhalwa nge
siSwati nje ngenxenye yeprojekthi
yeZenex Ulwazi Lwethu yempahla
yokufunda ka2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Usuku Iwentsha

Author/s: Zandile Malaza

Translator/s: Zanele Ndlovu

Illustrator/s: Simangaliso Sibiya

Assurer/s: Zanele Zuma

Language: isiZulu



© Zenex Foundation - Saide 2023

CC BY includes the following elements:

BY – Credit must be given to the creator

